

Kwó-ò yah tẽ tẽ sébéyne yáhkì sɔkɔ

Auteurs : Soungalo Coulibaly

Mawa Ouattara

Mis en page : Trudi Pleis

Révision : Soungalo Coulibaly

Association Nationale pour la Traduction de la Bible et l'Alphabétisation
ANTBA Toussian

ONEBOOK 

Sébéy mè sɔkɔ tɔ̀ pi òkù yah yónóle

Píkínyahnɔ́ nónó-á pi sébéy mè sɔkɔ, yé yah tē yīn ye sè wārki. Nte yāh me yāhki sɔkɔ, yāhki mè ki fē pɔ́ píkínyahnɔ́ yísyóle nónó nāh me sébéy mè sɔkɔ. Yé ki fē sépi tɔ́ piki yah yé gblǒy.

Yāhki yāh gbíne, kàye yó yīne kè ne n me kwó-ò tyí sáhpú-á tyi nónóne n yo, à séle n wārki ké sɔkɔ. Sǒ-á yamno, ànê sé syey pi òkùle, à tahlí sēnkno nāhnāh tyí.

Kéne kàyenó pól ki tuke mɔ́ pɔ́ kārñ yòtè kǒ kārñ tyé gbíne. Sè ki fē pɔ́ yòhnìnmonɔ́ pi sébéynó yísyó pínó sɔkɔ.

Kwó-ò-à ñ gblǒyne n vi yāhki yāh yīnne, à yīne à sébéy mè sɔkɔ tyi kar à mó pyě kyí yāhki tyah.

Kwónó Tǒnyahnɔ́le

Gbèyìne sò sébéy gbò kwónóle :

Képah sɔkɔ yínpónɔ́ òkù yah yónó ó ye.

Sáhpú nāh tǒnì yīne pè yínpó mɔ́ òkùnó pól pī.

Nte kè yīne kè pè wēki óle kwāh nê-á yínpóle, ànê sé wārkinó yòle.

À wil «dah» ànê «yīn» tyí sɔkɔ, nónó-á me sébéy sɔkɔ,

Á ki tǒ fē «fir, fir, fir» tɔ́ mɔ́ pè wēki.

Gbòyò sò sébéy gbò kwónóle « »

Sáhpú yīne pè yni nópi sāh pī tyah sòle. Nè té «ye» tɔ́le pè wēki.

Pè yīne pè krèyò tē n yīn òkù tɔ́ sāh.

Kwónó 1 'kó' «Á se kú-ńkê kò we yah?»

1. Névi se ki fẽ kwâh we ké yáhnkõ-ńkêne ?
2. Névi se ki fẽ tir pĩ ké sáh-ńkêne ?
3. Ñte névye túkù pi òúkù náh me sě di ?
4. Yé se ki fẽ sėbéy pĩ kárn pí-ńkêne ?
5. Wâh ne á sėbéy pĩ, á yĩne ñ pi sǒ ?

Kwónó 2 'ó' «Á náh kuku, á se ki kò ?»

1. Kwâh nê ki fẽ sėbéy pĩ dékè kō kè ki névi tẽ ?
2. Névi-à sėbéy pĩ, yō nê me ké tyí ?
3. Névi-à sėbéy pí-ńkêne, kè ki tir nê yiki ?
4. Sėbéy pínó ki fẽ tir nê yiki ?
5. Wénpir, képah náh pi, yèwàh ki fẽ pi sǒ té ki sėbéy pĩ ?
6. Sėbéy se ki fẽ pĩ òúkù yóle, kárn pí-ńkêne ?

Kwónó 3 'õ' «Kárn pínó lékámne n kō.»

1. Kwâh nê me lékámne?
2. No pól se ki fẽ lékám mē we?
3. Wâh lékám we, kè ki tir nê pekú á tyí?
4. Ñte lékám ké ki fẽ tir nê yiki?
5. Núkúnúkú, á ké pi sǒ té ki lékám mē we?

Kwónó 4 't' «Wâh á gbõyne n tǒ n sah, á ki lènò we.»

1. Gblõy n tǒ n sah òúkù nêne?
2. Té á gblõy tǒ n sah sah yí-á n kne á tyí dò?
3. Gblõy tǒnsàh-ńkê ki fẽ tir nê pi névi sòkò?
4. Gblõy tǒnsàhnó se ki fẽ névi kō à náh n yò n pi pólle?
5. Wil ó se á ki n tǒ n sah, tí, fí nê tǒ me?
6. Wâh á gblõyne n tǒ n sah, kè ki kwâh nêne ñ kō?

Kwónó 5 ‘B-M-H’ «Tõ kàhwə̀nə náh plɛ.»

1. Kwâh nê me tôle?
2. Yõke se tôle, wâh kè wə́ á kɪ tɔ́ á náh tɔ́ n yõ n pi?
3. Kwâh nê yĩn me névye n wə́ kéle?
4. Wâh tɔ́ wə́, kè kɪ ñ yohnɪ mɔ́ tir nêne?
5. Képah náh pɪ, kè kɪ tir nê yɪkɪ á tyí.
6. Tõ wónó se kɪ fẽ yal mɔ́?
7. Kàh fẽ n ye n pi ñkêne, á yĩne à kéle n we òkù nêne?

Kwónó 6 Tõnyahnɔle

Á yĩne ñ ne n me sébéy sɔkɔ kàrnó tĩnkínó sah n te kwey gbìyìkì sókó-ńkê sɔkɔ. Képah ye, nónó-á me n kar n pne n kal pé no tɛ́lɔ́le, á kɪ pépi wah pɪ kwópúle tĩnkì nɔ́pi sɔkɔ. Ñ té kè gbah n yo pé tyí ne, pè náh yĩne pè kàrnó sáh-ńtàn nɔ́pi pólle n kar tɛ́lɔ́ kɔ́ pè ne yohnɪ n syi óle, né pè náh nê pĩ kwɔ́.

Kwónó 7 ‘e’ «Syɪbɪ tyí yõ se me, névi-à ku tè ?»

1. Wâh á tyí névi we à n yɔ́, á yĩne ñ pɪ sɔ́ ?
2. Á se yĩne ñ à yohnɪ n mɔ́ gbí nê-à á dyɔ́, tĩ, á yĩne ñ pɪ sɔ́ ?
3. Ñte wró-à n kne á tyí, ànê ké tǎhkì-à n kne á sɔkɔ dò ?
4. No pól tyíle ténkwɔ́nə se ?
5. Kù pɪ té pɔ́ nātām túkù tyí névye n ne n kwɔ́ yam sɔkɔ, yòhnìn-mə-ò kéne pé tyí ?
6. Ñte, túkù tɔ́ náh gbòle n wilki ké tyah sókóntenə sɔkɔ di ?
7. Yõ se me képah tyí ?

Kwónó 8 ‘ẽ’ «Sida kɪ fẽ névi tẽ ñ pí-ńkê sɔkɔ.»

1. Kwâh nê me sidale?
2. Sɔ́ me sida n tẽ névile?
3. Sida syɪbɪ n pɪ sɔ́?
4. Sida yam kɪ fẽ yah pĩ òkù nê sɔkɔ?
5. Yam mè-à névi tẽ, ké à pɪ sɔ́?
6. Sida yam kɪ fẽ sèpìn sɔ́ pɪ névi sɔkɔ?

7. Névi se sida tyáhnóle n pne ñ gblöy sɔkɔ?

Kwónó 9 ‘o’ «Sida-à névi tẽ, kè kɪ à kò.»

1. Kù pi té Sida névye ténó pi dò núkúnúkú ?
2. Kàh nê tẽ te, tẽ yĩne à pi sǎ ?
3. Névye se me ké tíkíle n pi ?
4. Nte pɔ-à me á tyí, á náh fẽ á gblöy syɪbɪ pi di ?
5. Tir nê me tǎ á kɪ fẽ pi kè kɪ ñ yohnu n mɔ ?
6. Sépi pól-à pi té kè náh ple dò ?

Kwónó 10 ‘y’ «Wâh n yɔ, kyɪ dòktôr fǎ !»

1. Yam ténó sèkuku pi tir nêne?
2. Yam yah kɪ fẽ kò dùkù nêne?
3. Yam yah kònó se kɪ fẽ á kǎ á náh n yɔ n pi pólle?
4. Ngbò gbí sɔkɔ yam-à sò névi tẽ, pè n pi sǎ ñ syɪbɪle?
5. Kéne syey se tǎ me kwey gbĩne?
6. Nte kéne syey-à me ñkêne kwey gbĩne, névi-à n yɔ á yĩne à pi sǎ tẽne?

Kwónó 11 ‘õ’ «Á ye fɔkɔ kyénó yah kò.»

1. Kwâh nê me fɔkɔ kyénóle?
2. Kwâh nê n pɔ n pɔ fɔkɔ kyénóle?
3. Fɔkɔ kyénó kɪ fẽ tir nê pi névi wil sɔkɔ.
4. Tilbi syey nónó me yé n pne fɔkɔ kyénó tyíle?
5. Wâh kéne syey pi té kè náh yĩn, á kɪ pi sǎ?
6. Nte pɔ-à me ñkêne á tyí, á kɪ pi sǎ?
7. Wâh ne kwlónó nópi pól káh pɔ ñ yĩni n tẽ, á yĩne ñ pi sǎ?

Kwónó 12 Tǎnyahnɔle

Tir yó kyɔmɪ ásô, welɔ yo dùkù tyí sɔkɔ ! Wey nê kwónó-á n kǎ ásô, nê-á : «sɔkɔ»le, kòtân yo dùkù sɔkɔ, kè me ké tyíle. Pépi kéle n ye : «fwo»le.

Á yĩne ñ yo sáhpú tyí ne páh kɪ kè sáh sé, «sɔkɔ»le ; té páh pɔ wínwéy wárkínó pĩ gbí nêne, páh kɪ fẽ kéle n wárkɪ «fwo»le, pé yo dùkù sɔkɔ.

Kwónó 13 'ě' «Yé káh yí yamne syáhle n syah.»

1. Tir nê me yí n pi névi wil gběnsê sɔkɔ?
2. Yíyám n we dùkù nêne?
3. Nte káh n tē, á yīne n pi sǎ?
4. Yé se tilbi syey tókùle n pne yí tyíle?
5. Tilbi syey-à tē kwɔ, á yīne n pi sǎ?
6. Yí nǒpi syibi-à we n pi nkêne, kè kɪ fē tir nêne n nɔ?
7. Áyáh sépino pól yo pɔ sǎ, á se yīne n syáhle n syah yíyámne?

Kwónó 14 'd' «Wâh ne á yní káh dé, séle n wu palle.»

1. Kú pi té yníyám káh tno kwey gbīne? Kè se sò me sǎ ñgbòle?
2. Yépi sōno sɔkɔ, kwâh nê n pɔ n pɔ kéle?
3. Syey nónó n tye yníyámne?
4. Sépi-à tē ké tye kwɔ, á kɪ pi sǎ?
5. Yni náhnâh-à de á tyí, kè nâh tir yɪkɪ n pi di?
6. Wâh ne á yní káh pɔ de, á kɪ ké dyâh tē dùkù nêne?

Kwónó 15 'ah, ãh' «Yáh tyi nónó sãh yáhkì sɔkɔ, yé se kɪ sè pi ?»

1. Névi se kɪ fē tir pī, képah nâh pi, kè pi ké sãh-ńkêne?
2. Yé pól pī kèkōyǒ tyi me dò; nte tir dùkù nê me névi yīne à sãh?
3. Névi se tirlé n sãh yō kéne?
4. Kwâh nê yīn me névi n sãh tirlé?
5. Séngbǒ yáhkì nê-á ápi n yáh yò, tir nê yīn me?
6. Ntè tir sãhnó ânê ké pínóle, nê tē me yòle?

kwónó 16 'p' «Káh póle n wilki yō ké yī yō !»

1. No pól me pó kárkínó tyíle n yo kwey mène, nte kwâh nê pó kárkínole tótó?
2. Névi-à kwâh dwe kè se kɪ fē pi pó kárkénóle?
3. Névi nâh póle n karkɪ kwâh dwé-ńkêne di?
4. Névi-à póle n karke, kè kɪ fē tir nêne à yīni tē?
5. Kú pi té tókù pó ñgbēne n we, pé yótyí nâh mó tō me tno, té sè n tō n ne n tɛkɪ péle?
6. Sǎnkǒ névi se kɪ tē we tir gbɪ pi?
7. Nte kwey gbīne, sǎ me á kɪ n pi té á nâh pó karkɪ n pi?

Kwónó 17 ‘s’ «Sésânne n sō nsô yinne.»

1. Kwâh nê pi té no sésânne n sō?
2. Kè ki fẽ tir nê peki névi tyí?
3. Sésân pól se yĩne sónóle, tĩ wãhki sè me?
4. Wãkì-à me, nónó tãn yĩne mónóle ápi tyí ásô; ânê sé mónó yõle?
5. Sésân mónó ki fẽ pɔ yòhnìnmmɔɔ òkù nêne kwil sɔkɔ?
6. Nte névi nê-à me yáhnnyõɔ sùú tyí, tẽ se ki fẽ sésân mɔ.
7. Gbí nê yõ yĩn me sésân n mɔ?

Kwónó 18 Tǝnyahnɔle

Kwónó 19 ‘gb’ «Gbò núkú náh fẽ náh fãh.»

1. Kù pi té névyè n so wẽ tyí à tyile n pi ?
2. Nénúkù se ki fẽ tówú pi pi tir pi ?
3. Nte pàh kéne tir sah ne nénúkù ó kè pi, kè ki pi sǝ?
4. Kàh me kwil pékí-ńsahle té kè yiki, nê syiki ?
5. Sǝ-á kãrnne á n pi yò, nénúkù tò se ?
6. Tìnkì nê-á wínwéy wárkínó tò yahle n tẽ, pépi ó se ki fẽ tò mè pi pé yahle, no pól kǝ pè ki sébéy pĩ ?
7. Wín sèmìrkì nê képahle n wẽki ?

Kwónó 20 ‘i, ï’ «Tir pínó ânê ké pínóle, nê tẽ fǝnfǝ ?»

1. Névi se ki fẽ tir pi ké pí-ńkêne ?
2. Wâh kè pi, dèl se ?
3. Nte névi se ki fẽ tir pĩ té ki yahle ké pínóle ?
4. Névi-à n pi sǝ, kè se ple ?
5. Nte nê tẽ yĩne pínóle sépi sɔkɔ ?
6. Yáh kãrn nêne n pi, yé ki pi sǝ kéle ?
7. Yâh ké tò pí-ńkêne, yõ se we ké pínó tyí ?

Kwónó 21 ‘HB, BH’ «Á ne wáh ỳle n dwe té kǒ fyé náh me á gbô.»

1. Névyé pól se pé pi tyile n pne, ànê pé pi ỳinne ?
2. Kwâh nê kɪ fẽ névi kǒ à kɪ ò pi tyi pĩ, képah náh pi, à náh sè pĩ n pi ?
3. Wâh á pi tyile n pne, kè kɪ tir nê pekɪ á tyí ?
4. Nte wâh sé pí-ńkêne, kè kɪ tir nê yɪkɪ á tyí ?
5. Té nê tẽ ple kal sépi nínó sɔkɔ ?
6. Nte névyé tókù tyí náh wil pé kwɔ dükù tɔ tyí di ?
7. Sǐnkǒ névi se kɪ tǔ fẽ vi mɔ pi palle ?
8. Sǐ me á kɪ fẽ yo sǐnkǒ névi tyí sɔkɔ ?

Kwónó 22 ‘n’ «Nô-à tno nóré sɔkɔ, kyɪ kéle dǔktǎr fó.»

1. Nóré n pi névi tyí dükù nêne ?
2. Nóré kɪ fẽ kwâh nê pi névi wil sɔkɔ ?
3. Yî nónó me nóré syɪbɪle tilbi syey sɔkɔ ?
4. Nóré syɪbɪ-à pí-ńkêne ple, kè n pi sǐ ?
5. Kâh peke, kè kɪ pi sǐ tẽne ?
6. Wâh ne á pèkè yah kǒ, nóré-à peke, té nô tno ké sɔkɔ tilbi syey tẽ kè tye kwɔ, á kɪ pi sǐ ?

Kwónó 23 ‘i, ĩ’ «Yípêy fni pi ple swâhle.»

1. Wâh ne á yípêy fni pile n we, á yĩne ò pi sǐ ?
2. Kú pi té névyé tókù sétáh ñgbẽ tǔ; ñ kè tǔ n sah, té pè náh n we n tɔkɔ ?
3. Áyâh ne á sèmukɔ we sétáh wálnó sɔkɔ, á yĩne à pi sǐ ?
4. Tũne, ànê kèpìkì pile, nê tẽ ple kal ?
5. Nte pǔ-à n kne névi nê tyí, nê tẽ wénó kɪ nɔ kal tẽ tyí pi duke nínó nǔpi sɔkɔ ?
6. Wâh ne á yípêy fni pi mène n we n mɔ á swâh sɔkɔ kúmm, á yĩne n pi sǐ ?
7. Nte tyi nǔpi pól-á yo pɔ tye sǐ yò, wâh ne á kâh swâhle n tǔ n wil n yĩn, sǐ me á kɪ pi?

Kwónó 24 Tǔnyahnɔle

Kwónó 25 ‘w’ «Á kɪ sɛmukɔlɛ n wɛ, wâh tilbi pilɛ n pi.»

1. Ñ gbòlɛ swɛy sò n tɔ́ tɛ́ túkùlɛ n fɪn n mɔ́ sɛ́ n de. Tɛ́ núkúnúkú swɛy tɛ́kínó pɔ́ névye kɔ́ pɛ́ sèdì ólɛ n tɔ́ yimeyí, sɛ́ syi pɔ́ wal. Á kɪ pi sɔ́ tɛ́ sɛ́ kɪ tɔ́ de ?
2. Kìpìkì pi dwe dwe pɔ́-à n kne á tyí, tɛ́ á nâh mɛ́ yípɛ́yne n pu, á kɪ fɛ́ pi sɔ́ tɛ́ kɪ pi wɛ ?
3. Tilbi pi n pi òkù nêne ?
4. Pɔ́ kɛ́ se kɪ ñ yini mɔ́ kɛ́ pínóle ?
5. Névi-à pi mènɛ n mɔ́-ńkêne ñ swâh sɔkɔ, kwâh nê kɪ pi ?
6. Ñte wâh tɛ́ wɛ́ kɛ́lɛ n pi n mɔ́ á swâh sɔkɔ, kɛ́ kɪ kwâh nê ñ kɔ́ ?

Kwónó 26 ‘-n’ «Sɛmukɔ nâh n wɛ swâh sɔkɔ yén sò kɔ́ntɛ́nó.»

1. Kwâh wénó tyí se nɔ́ nɔ́ pól tyí ?
2. Sɔ́ mɛ́ á kɪ pi tɛ́ kɪ kwâh wɛ́ ?
3. Ñte nɔ́ pól se kɪ fɛ́ pi kwâh wépúlɛ?
4. Kú pi tɛ́ tãhkìlɛ túkù sɔkɔ, pɛ́ mɛ́ lènɔlɛ, tɛ́ pɛ́ tɛ́ pé yô yô tɛ́ wɛ́ kwɔ́ ?
5. Kú pi tɛ́ sètòbɛ túkù tɔ́ n fɛ́ swâhle n kɔ́ ñ pɔ́ yi sò, tɛ́ pɛ́ nâh pé yô yô tɛ́ne n wɛ́ ?
6. Liyel se gbɛ́ mɔ́ péle ?
7. Swâh sɔkɔ kónkyɪnɔ́ ó se kɪ fɛ́ kwâhle névi kɔ́ ?

Kwónó 27 ‘m’ «Mé ní tah tah kwɔ́ sɔkɔ dyêh mɔ́.»

1. Névi pèkèlɛ n pi ñ ní-ò tyí òkù nêne ?
2. Kwâh nê n mɔ́ tɛ́ne kɛ́pah sɔkɔ ?
3. Wâh pèkè pi á ní-ò tyí, kɛ́pah kɪ tir nê pɛkɪ áwɔ́ tyí ?
4. Lékám pèpɛy se kɛ́lɛ?
5. Kèyahle tɛ́ nâh n kne n tɛ́ n kwɔ́ di?
6. Wâh ñdòne n mɔ́, kâh kâh kɛ́ n syɪkɪ ñyâh ?
7. Pâh sɛ́nkɔ́ nɛy syâh syâh, pɛ́ n nɛ wâh yo sɔ́ ?

Kwónó 28 ‘a’ «Yô yô yî pèplɔ́ yónó yam yahle n kɔ́.»

1. Yé pól pĩ nɛ́ yòkɛ́ pèpɛy yónó-á lènɔlɛ névilɛ n kɔ́. Ñte yî nónó mɛ́ ?
2. No pól se kɪ fɛ́ sɛ́ wɛ́ ?
3. Sɛ́ nâh fɛ́ n wɛ́ pɔ́ wìlkì-ńkêne di ?

4. Nε-à kéne yínóle n we n yō íkêne, kè kɪ tir nêne à nɔ ?
5. Áyâh ne á lènole n we, á yīne à yōke dùkù nêne n yō ?

Kwónó 29 ‘ã’ «Yé wénpìle n kwɔ gbàn wúnyōnole.»

1. Sétáh sèmin sɔkɔ yam se me?
2. Kéne yam se kɪ fē wénpir tē?
3. Kè kɪ tē sǒ òne?
4. Wàh yam syɪkɪ, kè kɪ tir nêne dúbípú yīni tē?
6. Té dúbípú tyí kwâh-à yah kwɔ ò syɪbɪ pɪ pɪ tēne, kè kɪ pɪ sǒ?
7. Nte á kɪ pɪ sǒ té pɪ náh yam mɔ n pɪ á wénpì sɔkɔ?

Kwónó 30 Tǒnyahnole

Kwónó 31 ‘-n-’ «Pne yode ye yìngbàhndohrɪ syɪbɪle.»

1. Kwâh nê me yìngbàhndohrule ?
2. Kwâh nê n pɔ n pɔ yam mène ?
3. Wil silki syey nónó n tyε kéle ?
4. Kàh wil te, ké syɪbɪ se kɪ fē pɪ kè kɪ tyε?
5. Kàh n tyah á tyí, sǒ me á kɪ pɪ té kɪ ké yah kō, té á náh pɔ dò wilki n pɪ?

Kwónó 32 ‘tw, kw’ «Wénpir kwónó pèpey òne n pɪ wénpir gbɪle.»

1. Wépir se yīne kwónóle, tí à náh yīne kéle?
2. Wàh me yīne kwónóle, à yīne à kwɔ dùkù nêne?
3. Wénpì pól se n kwɔ dùkù núkúle?
4. Kwâh ne pɪ té wénpì tókù tyítúkùnì óle n pɪ, kèpah náh pɪ, tyípeplo óle n pɪ?
5. Ye dan nê sɔkɔ me á yīne ò tyah wénpirle n kwɔ?
6. Sú se kɪ fē pɪ nétúkùle, té kɪ ò pɪ kwɔ à kɪ pɪ négbɪle?
7. Wénpir kwónó pèpey òne n pɪ nédúkú nêne?

Kwónó 33 ‘f’ «Wénpir kàhnkònó náh fě à kwɔ.»

1. Wénpir kwónó tyí yō se me ?
2. Wénpir n kwɔ sǎ? Ko se, tî vyāh wey sɔkɔ se ?
3. Wénpì pól se ki fě kwɔ dùkù núkúle ?
4. Wénpir-à tǎnsàhnyonɔ yahle, á ki pi sǎ ñne ?
5. Ñte sǎmesó se á ki n ko ñne wàh n nòhnì-ñkêne ?
6. Wàh ñne n ko sǎmesó, tir nê ki pi ?

Kwónó 34 ‘-w’ «Á pi-à pi négbíle, á tɔ ki pwah.»

1. Tir nê yīn me névi n kwɔ ñ pile ?
2. Névyé nónó pól-á pé pyele n kwɔ, pè se me n ple ?
3. Kwàh nê pi té túkù tyí n ple, té túkù tyí n yiki ?
4. Á pi-à ple, kè ki pi tir nêne; ànê wàh yiki, kè ki pi tir nêne ?
5. Wàh yiki, ké pèkè se ki pi áwɔ gblǎy ó tyíle ?
6. Ñte wàh pi pígbíle, yòbènɔri se we áwɔ ó tyí ?

Kwónó 35 Tǎnyahnɔle

Kwónó 36 ‘sy, ty’ «Syó wǎnó yīne kè tyε.»

1. Sépyé wǎnó yō pi tir nêne?
2. Wīn sàhnó se kéle, tî kè wil íyāh?
3. Kè se me Liyel wèkì sɔkɔ?
4. Sépyé wǎnó mè se ple?
5. Kwàh nê n wèki ne kǎh ple, képah náh pi, kè náh ple?
6. Kè ki fě pɔ kwàh nêne?
7. Kwey gbī névyé me n sǎ sǎ ké tyí sɔkɔ?
8. Sǎ me dǎktórbí yo ké tyí sɔkɔ?

Kwónó 37 ‘r’ «Dírí pínó tyi náhnáhle n yiki.»

1. Kwâh nê me dírí pínóle ? Pí òkù nê me pè n ye sè ?
2. Kwâh nê n mɔ névile dírí pínó sɔkɔ ?
3. Dírí pínó se kí fě tir pekí ?
4. Tyi nónó me kè kí fě pekí ?
5. Nte kè náh fě tir yiki n pi di ?
6. Tyi nónó me kè kí fě yiki ?
7. Òkù nê me névi yĩne à ne n pi ?

Kwónó 38 ‘-y’ «Kékáhkì náh ké gblǒy tɔkɔ à swáh fwɔ n pi.»

1. Névi se kí fě tyi pól pi ò gblǒy?
2. Névi yõre se me ò gblǒy ó tyí?
3. Nte névi yétô kwâh-à me á tyí, òmɔ se n ni kéle á tyí, tî áwɔ se kí à káhlí kɔ kéle?
4. Té wâh me pí-ńkêne ké tyí sɔkɔ dò?
5. Nte wâh me ké tyí yo te ò tyí do?
6. Yétô kwâh ye tĩkì mène ápi tyí. Té á me kè tɔkɔ tòle n pi?
7. Tĩkì se me tòle n pi ké gblǒy pekí yĩne?

Kwónó 39 ‘u, ù’ «Nevi náh ò sú fólé n wēki gběyìnène.»

1. Névi yĩne à ò sú fólé tē òkù nêne ?
2. Sú fólé ténó pèpèy tyí yõ se me? Kè kí kwâh nêne névi kɔ ?
3. Té wâh képah pí-ńkêne, kè kí tir nê yiki ?
4. Névi-à me ò gblǒy we yíí, sú fólé yétô se tō me ò tyí ?
5. Yé se ney tyí noh yah, nê-á ò sú fólé milki té ké nàr pɔ à nɔ tir yó sɔkɔ ?

Kwónó 40 Tǒnyahnɔle

Kwónó 41 '1' «Wâh pín yō sah á gbètukunō yō, Liyel ñ yohni n mō ñ kè sah á yō.»

1. Gbì se névye n ñe n yo ñe Liye-á névile n yohni n mō?
2. Liye n yohni n mō sǎ névile ?
3. Liyel-à névi yòhnìn mō-ńkêñe, tè ñáh fě kwâh we di ?
4. Liyel-à névi yohni n mō, tè n tē sǎ té kwâh n pō à nō ni ?
5. Ñte ku pi té névye túkù n kwlō yām sōkō ?
6. Sǎ me névi yīne à pi Liyel mó à yohni mō ?
7. Ñte névye pól se me képahle n pi ?

Kwónó 42 'iki, ɔkɔ, uku' «Swāh náh n tō n te kèdúkù dah sókóntenō náh.»

1. Névi dùkù ñe me sèmòkòdyìkìle ?
2. Sèmòkòdyìkì tō pi dùkù me sǎ swāh sōkō ?
3. Sèmòkòdyìkì pínó tir ñene n pekì névi tyí ?
4. Ñte kè tir ñene n yiki ?
5. Névi-à pi sèmòkòdyìkìle, à n pi névi dùkù ñene ?
6. Sèmìrkì ñe me pè n yāh sèmòdyìkì tyí sōkō ?

Kwónó 43 'ii, ...' «Á ye kwil mō kyòò tìnne.»

1. Nénúkù se kɪ fě kwil tō sah ?
2. Sǎ me névye náhnáh n tō n sah kwille ?
3. No pól lékám se kɪ fě kwil tō sah?
4. Lékám ñe dùkù me yé kɪ fě tōkō kɪ kwil tō sah ?
5. Yāh lékám pèpey we kwil tō tō tēne, no pól se n sah ké yō ?
6. Nónó-à yahle sàhnóle ké yō, sǎ me ye kɪ pi pépile ?

Kwónó 44 ‘-y, -yy’ «Sésân kònó swēyne n yiki.»

1. Yō se me sésân mónó tyí ?
2. Nte yō se me sésân kònó tyí ?
3. Tir nê me sésân n peki swāh sɔkɔ ?
4. Sésân-á tyi nónóne n peki névye tyí, yé se ki fě sé tókù kwāh ?
5. Wāh séswô mɔ kè yuku sɔkɔ tɛ, névi vyāh se tō me ké tyí sɔkɔ ?
6. Kèpiki no tē wèkì sɔkɔ, wāh séswôle n fě á yīne ò pí sǎ ?

Kwónó 45 Tǎnyahnɔle

Kwónó 46 ‘b’ «Dlo yah kònó ye dòktôr fǒ dúbínóle.»

1. Tir nê me kúrki nétê yīne à ne n pí ké dubi gbí nó-ńkê sɔkɔ ?
2. Dòktôr fǒ dúbínóle, ànê gbô tyíle, nê tē ple kal ?
3. Kwāh nê pí té dòktôr fǒ tyí ple kal ?
4. Sê-à dubi gbô sɔkɔ té à náh kyí dòktôr fǒ sɔkɔ, tir nê me kè n yiki ?
5. Gbô dúbínó gbòwìlki náh fǒnfǒ kal di ?
6. Sê-à dubi dòktôr fǒ, kě tē yohnu n mɔ tir nêne ?

Kwónó 47 ‘oh, òh’ « Wāh á ní-ò yohnu mɔ, á gblǒy ye á yohnu mɔ.»

1. Tir nê yīn me névi n yohnu n mɔ ò ní-òle?
2. Tir pèpey se névi yòhnìnɔnɔle ?
3. Névi yòhnìnɔnɔ se kèyǎhle n yiki névi tyí ?
4. Kwāh nê pí té tókù n yahle névye yòhnìnɔnɔle ?
5. No pól se n yohnu n mɔ n pne ?
6. Kwāh nê pí té tókù náh n yohnu n mɔ n pne ?
7. Wāh névi yohnu n mɔ, kè ki tir nê peki á tyí ?

Kwónó 48 ‘v’ «Ñdò mónó-à vi mɔ, yɔ gbáhkì tɔ n vi mɔ.»

1. Ñgbò tyi se tɔ me n pi núkúnúkú ?
2. Kwâh nê pi té sé túkù nâh tɔ me n pi ?
3. Tyi nónó sò me n pi ñgbòle, té sè nâh tɔ me n pi kwey gbĩne ?
4. Kwey gbĩ tãn-á me ñgbò tyi nónó pól mílkí, sé pól se yĩne mílkínóle ?
5. Ñte á se yĩne à tẽ ñgbò tyi óle n pi ?
6. Sé nónó me á yĩne à milki à mó nónóne n pi ?

Kwónó 49 ‘eh, ěh’ «Lékyêhle n dyi á gbyêh kènyáhnì yĩnne.»

1. Lékyêh dyínó tyí yò se me ?
2. Wâh lékyêh dyi ñkêne kwâh nê kɪ pi ?
3. Névi nâh lékyêh yah té dlo à nɔ yah ñ gbáhkì tyí di ?
4. Dlo nónó yah me lékyêh dyínó kɪ fẽ kō névi tyí ?

Kwónó 50 Tónyahɔle
